

女科撮要

二卷

薛己著



女科撮要前序

余聞軒岐事業遐哉邈矣其言說流布至今未盡泯也然傳者或效或否豈其書不可盡信耶是信乎人馬耳語曰醫不通儒不可以言醫其以是歟太醫院使薛君立齋雅近於儒其以醫名世也固宜君嘗以日所施活者述其病原詳其脉候著其方驗有所得輒錄之積彙成帙標曰家居醫錄他日呈于大司馬中丞約菴翁翁覽而善之授余以錄諸梓且命申其說余曰嘻是仁者之心哉或曰何謂也夫醫術也而心術觀焉世之醫者得一方輒以自秘取一效即以自多人病在身而渠病在心且弗之藥是尚可以言醫薛君以名醫致身不自秘而以示人將欲致人人於名醫中丞翁撫綏畿輔振衰剔弊既登斯民仁壽之域復布其醫書欲壽斯民於無窮茲非仁者之事哉是宜梓之以訓于世觀者毋徒執其方而求得其心焉則是錄也其可傳矣

嘉靖戊申春正月吉劬江存所范慶書

上海大成書局印行

女科撮要目錄

上卷

經候不調

經漏不止

經閉不行

帶下

血分水

小便出血

熱入血室

師尼寡婦寒熱

歷節痛風

流注

癰瘰

乳癰乳巖

血風瘡

癩瘡

陰瘡

各症方藥

下卷

保胎

小產

保產

子死腹中

胎衣不出

交骨不開陰門不開子宮不收

產後腹痛

產後血暈并失血

產後發瘧

產後便血

產後大便不通

產後寒熱

產後咳嗽

產後瘧疾

產後泄痢

各症方藥



女科撮要上卷

吳郡薛 己著

新都開道政校

武進千鳳岐重校

經候不調

經曰。飲食入胃。遊溢精氣。上輸於脾。脾氣散精。上歸於肺。通調水道。下輸膀胱。水經四布。五經並行。心脾平和。則經候如常。苟或七情內傷。六淫外侵。飲食失節。起居失宜。脾胃虛損。則月經不調。或先期而至者。有因脾經血燥。有因脾經鬱滯。有因肝經怒火。有因血分有熱。有因勞役火動。其過期而至者。有因脾經血虛。有因肝經血少。有因氣虛血弱。主治之法。脾經血燥者。加味逍遙散。脾經鬱滯者。歸脾湯。肝經怒火者。加味小柴胡湯。血分有熱者。加味四物湯。勞役火動者。補中益氣湯。脾經血虛者。人參養榮湯。肝經血少者。六味地黃丸。氣虛血弱者。八珍湯。蓋血生於脾土。故云脾統血。凡血病當用苦甘之劑。以助其陽氣。而生陰血。俱屬不足。大凡肝脾血燥。四物為主。肝脾血弱。補中益氣為主。肝脾鬱結。歸脾湯為主。肝經怒火。加味逍遙為主。

治驗 肝經怒火風熱等症附

一婦人內熱作渴。飲食少。惡腹內近左初如雞卵。漸大四寸許。經水三月一至。肢體消瘦。齒頰似瘡。脉洪數而虛。左關尤甚。此肝脾鬱結之症。外貼阿魏膏。午前用補中益氣湯。午後以加味歸脾湯。兩月許。肝火少退。脾土少健。仍與前湯。送六味地黃丸。午後又用逍遙散。送歸脾丸。又月餘。日用蘆薈丸。二服。空心以逍遙散下。日晡以歸脾湯下。喜其謹疾。調理年餘而愈。

一婦人腹內一塊。不時上攻。或痛作聲。吞酸痞悶。月經不調。小便不利。二年餘矣。面色青黃。相兼余作肝脾氣滯。以六君子。加芍歸柴胡。炒連木香。吳茱。各少許。二劑。却與歸脾湯。下蘆薈丸。三月餘。肝脾和而諸症退。又與調中益氣。加茯苓。丹皮。中氣健而經自調。

一婦人發熱口乾。月經不調。兩腿無力。服祛風滲濕之劑。腿痛體倦。二膝浮腫。經事不通。余作肝脾腎三

經血虛火燥症名鶴膝風用六味八味二丸兼服兩月形體漸健飲食漸進膝腫漸消不半載而痊前症若脾胃虛寒腿足軟痛或足膝枯細用八味丸若飲食過多腿足或臂內痠脹或浮腫作痛用補中益氣加茯苓半夏主之

一婦人性沉靜勤於女工善怒小腹內結一塊或作痛或居悶月經不調恪服伐肝之劑內熱漸熾胸膈不利飲食不甘形體日瘦牙齦蝕爛此脾土不能生肺金肺金不能生腎水腎水不能生肝木當滋化源用補中益氣六味地黃至仲春而愈

松江太守何恭人性善怒腹聚一塊年餘形體骨立倏然往來膠融透腮或泥春旺木尅土仍行伐肝時季冬肝脉洪數按之弦緊餘脉微弱余曰洪數弦緊肝經真氣虛而邪氣實也自保不及何能尅土泥面色青中隱白乃腎水不足肝木虧損肺金尅制惟慮至春木不能發生耳勉用壯脾胃滋腎水之劑肝脉悉退後大怒耳內出血肝脉仍大按之如無煩燥作渴此無根之火以前藥加肉桂二劑肝脉仍飲熱渴頗退復因大怒以致飲食不進果卒於季冬辛巳日此木衰弱而金刑尅信夫

一婦人經候過期發熱倦怠或用四物黃連之類反兩月一度且少而成塊又用峻藥通之兩目如帛所蔽余曰脾為諸陰之首目為血脉之宗此脾傷五臟皆為失所不能歸於目矣遂用補中益氣濟生歸脾二湯專主脾胃年餘尋愈

一婦人兩髻後痛後及太陽面青善怒余作胆經風熱用選奇湯合逍遙散加山梔天麻黃芪半夏黃芩而愈此症失治多致傷目或兩耳出膿則危矣

一婦人耳鳴內熱經行不調肢體倦怠飲食無味余以為肝脾虛熱用四君加柴胡山梔丹皮甘草而愈一婦人素勤苦冬初患咳嗽發熱久而吐血盜汗經水兩三月一至遍身作痛或用化痰降火口噤筋攣謂余曰何也余曰此血虛而藥益損耳遂用加減八味丸及補中益氣加麥門五味山藥治之年餘而痊一婦人耳內或耳後項側作痛寒熱口苦月經不調余以為肝火氣滯而血凝用小柴胡加山梔川芎丹

皮治之諸症悉退

一婦人年四十。素性急。先因飲食難化。月經不調。服理氣化痰藥。反肚腹膨脹。大便泄瀉。又加烏藥。蓬朮。肚腹腫脹。小便不利。加猪苓。澤瀉。痰喘氣急。手足厥冷。頭面肢體腫脹。指按成窩。脉沉細。右寸為甚。余曰。此脾肺之氣虛寒。不能通調水道。下輸膀胱。滲泄之令不行。生化之氣不運。即東垣所云。水飲留積。蒼土之在雨中。則為泥矣。得和風暖日。水濕去而陽化自然。萬物生長。喜其脉相應。遂與金匱加減腎氣丸料。服之。小便即通。數劑腫脹消半。四肢漸溫。自能轉側。又與六君。加木香。肉桂。炮薑。治之全愈。後不戒七情。飲食。即為泄瀉。仍用前藥。加附子五分而安。

一婦人飲食每用碗許相加。非大便不實。必吞酸噯腐。或以為胃火。用二陳黃連枳實。加內熱治。嘔余曰。此未傳寒中。故噯氣吞酸。脹滿痞悶。不信。仍作火治。虛症。並至月經不止。始信。余以六君加炮薑。木香。數劑。元氣漸復。飲食漸進。又以補中益氣。加炮薑。木香。茯苓。半夏。數劑全愈。後因飲食勞倦。兼之怒氣。飲食頓少。元氣頓怯。用前藥。更加發熱。誠似實火。脉洪大。按之而虛。兩尺如無。此命門火衰。用補中益氣。加薑桂。及八味丸。兼服兩月餘。諸症悉愈。此症若因中氣虛弱者。用人參。理中湯。或六君子。加木香。炮薑。不應。用左金丸。或越鞠丸。虛寒者。加附子。或附子理中湯。無有不愈。

一婦人素有頭暈。不時而作。月經遲而少。余以為中氣虛。不能上升。而頭暈不能下化。而經少。用補中益氣湯。而愈。後因勞而仆。月經如湧。此勞傷火動。用前湯加五味子一劑。服之即愈。前症雖云亡血過多。氣無所附。實因脾氣虧損耳。

一婦人年四十。勞則足跟熱痛。余以為陰血虛極。急用聖愈湯。而痊。後遍身搔痒。誤服風藥。發熱抽搐。肝脉洪數。此乃肝家血虛火盛而生風。以天竺。胆星為丸。用四物麥門五味。苓連。艾草。山梔。柴胡。煎送而愈。一婦人兩足發熱。日晡益甚。小便自遺。或時不利。余以為肝熱陰挺。不能約制。于前用白朮。茯苓。丹皮。澤瀉。各五分。乾山藥。山茱萸。麥門各一錢。熟地四錢。酒炒黑黃柏七分。知母五分。不數劑而諸症悉愈。若用分

利之劑愈損其陰必致不起

一婦人月事未期而至發熱自汗服清熱止汗之劑反作渴頭痛手掉身麻此因肝經風熱用柴胡炒芍連炒山梔歸芍生地丹皮各一錢參芪苓朮各一錢五分川芎七分甘草五分二劑其汗全止更以補血益氣而愈凡發熱久者陽氣亦自病須調補之

一婦人經行後勞役失調忽然昏愈面赤吐痰此元氣虛火妄動急飲童便神思漸爽更用參芪各五錢芍歸各三錢玄參柴胡山梔炙草各一錢一劑又用逍遙散加五味麥門稍定但體倦面黃此脾土具虛之色也又以十全大補加五味麥門治之而愈若投以發散之劑禍在反掌慎之

西賓錢思習子室年三十尚無嗣月經淋瀝無期夫婦異處者幾年矣思習欲為娶妾以謀諸余余曰此鬱怒傷肝脾虛火動而血不歸經乃肝不能藏脾不能攝也當清肝火補脾氣遂與加味歸脾逍遙二藥四劑送至其家仍告其姑曰服此病自愈而當受胎矣可無娶也果病愈次年生子

一婦人多怒經行或數日或半月即止三年後淋瀝無期肌體痿瘦口乾內熱盜汗如洗日晡熱甚余用參芪歸朮伏神遠志棗仁麥門五味丹皮龍眼肉炙草柴胡升麻治之獲痊此症先因怒動肝火血熱妄行後乃脾氣下陷不能攝血歸源故用前約若胃熱亡津液而經不行宜清胃若心火亢甚者宜清心若服燥約過多者宜養血若病久氣血衰宜健脾胃

一婦人年五十內熱晡熱經水兩三月一來此血虛而有熱用逍遙散加山茱治之而愈若兼有痰作渴或小便不調或頭暈白帶宜用腎氣丸

一婦人氣血素虛經行不調飲食少思日晡熱甚用十全大補加山茱山藥丹皮麥門五味而愈次年秋患寒熱或用清脾飲而元氣愈弱余仍以前藥而愈

一婦人生七胎矣月經不調兩足發熱年餘而身亦熱勞則足痠痛又年許唇腫裂痛又半年唇裂見血形體瘦倦飲食無味月水不通脣下腫如黑棗或用通經丸等藥而死

一婦人善怒經不調唇腫裂服消毒藥唇脹出血年餘矣余曰當培養脾胃以滋化源不信仍服前藥又追蝕狀如翻花瘤而死

一膏粱之婦產後月經不調唇裂內熱每熾作服寒涼之劑後不時出水余用加味清胃散而愈後值春令兼怒唇口腫脹寒熱作嘔痰甚少食用小柴胡加山梔茯苓桔梗諸症頓愈但內熱仍作乃以加味逍遙散調理而安

一婦人性善怒產後唇腫內熱用清熱敗毒唇口腫脹日晡熱甚月水不調用降火化痰食少作嘔大便不實唇出血水用理氣消導胸膈痞滿頭目不清唇腫經閉用清胃行血肢體倦怠發熱煩躁涎水湧出欲用通經之劑余曰病本七情肝脾虧損數行攻伐元氣益虛故耳法當補陰益陽遂以加味歸脾湯加味逍遙散補中益氣湯如法調治元氣漸復唇瘡亦愈後因怒寒熱耳痛胸膈脹悶唇熾腫甚此是怒動肝火而血傷遂用四物合小柴胡加山梔頓愈後又怒脇乳作脹肚腹作痛嘔吐酸涎飲食不入小便不利此是怒動肝木剋脾土乃用補脾氣養脾血而愈又因勞役怒氣飲食失時發熱喘渴體倦不食去血如崩官腫熾甚此是肝經有火脾經氣虛遂用補中益氣加炒黑山梔芍藥丹皮而愈此症每見但治其瘡不固其本而死者多矣

經漏不止

經云陰虛陽搏謂之崩又云陽絡傷血外溢陰絡傷血內溢又云脾統血肝藏血其為患因脾胃虛損不能攝血歸源或因肝經有火血得熱而下行或因肝經有風血得風而妄行或因怒動肝火血熱而沸騰或因脾經鬱結血傷而不歸經或因悲哀太過胞絡傷而下崩治療之法脾胃虛弱者六君子湯加當歸川芎柴胡脾胃虛陷者補中益氣湯加酒炒芍藥山梔肝經血熱者四物湯加柴胡山梔苓朮肝經怒火者小柴胡湯加山梔芍藥丹皮脾經鬱火者歸脾湯加山梔柴胡丹皮哀傷胞絡者四君子湯加柴胡升麻山梔故東垣丹溪諸先生云凡下血症須用四君子以收功斯言厥有言哉若大吐血後母以脉診當

急用獨參湯救之。其發熱潮熱咳嗽脈數乃是元氣虛弱。假熱之脈也。尤當用人參之類。此等症候無不由脾胃先損而患。故脈洪大。察其中有胃氣受補可救。設用寒涼之藥。復傷脾胃。生氣使血反不歸源也。

治驗吐血等症附

一婦人年將七十。素有肝脾之症。每作則飲食不進。或胸膈不利。或中脘作痛。或大便作瀉。或小便不利。余用逍遙散。加山梔。茯神。遠志。木香。而愈。後憂女孀居。不時吐紫血。每作先倦怠煩熱。以前藥加炒黑黃連三分。吳茱二分。頓愈。復因怒吐赤血甚多。躁渴垂死。此血脫也。法當補氣。乃用人參一兩。苓朮當歸各三錢。陳皮炮黑乾薑各二錢。炙甘草木香各一錢。一劑頓止。信藥有回生之功。不可委於天命也。

一婦人年六十有四。久鬱怒。頭痛寒熱。春間乳內時痛。服流氣飲之類。益甚。不時有血如經行。又太驚。飲食不進。夜寐不寧。乳腫及兩脇炊痛如炙。午後色赤。余以為肝脾鬱火血燥。先以逍遙散加酒炒黑龍胆一錢。山梔一錢五分。二劑腫痛頓退。又二劑而全消。再用歸脾。加炒梔貝母。諸症悉愈。

一婦人久患血崩。肢體消瘦。飲食到口。但聞腥臊。口出津液。強食少許。腹中作脹。此血枯之症。肺肝脾胃虧損之患。用八珍湯。烏賊魚骨圓兼服。兩月而經行。百餘劑而康寧如舊矣。

一婦人性急躁。癩瘰後吐血發熱。兩脇脹痛。日晡為甚。余以為怒氣傷肝。氣血俱虛。遂朝用逍遙散。倍加炒黑山梔。黃柏貝母。桔梗麥門五味。夕以歸脾湯。送地黃丸。諸症並愈。

一婦人素勤苦。因喪子。飲食少思。忽吐血甚多而自止。此後每勞則吐數口。瘵症已具。形體甚倦。予前以補中益氣。午後以歸脾湯。送地黃丸而愈。

一女子素鬱結。胸滿食少。吐血面赤。用地黃丸及歸脾。加山梔貝母芍藥而愈。

一婦人面黃或赤。時覺腰間或臍下作痛。四肢困倦。煩熱不安。其經若行。先發寒熱。兩肋如束。其血如崩。

此脾胃虧損。元氣下陷。與相火濕熱所致。用補中益氣。加防風芍藥。炒黑黃柏。間以歸脾湯。調補化源。血自歸經矣。

一婦人因怒崩血久不已面青黃而或赤此肝木制脾土而血虛也用小柴胡合四物以清肝火生肝血又用歸脾補中二湯以益脾氣生肝血而瘥此症若因肝經有風熱而血不寧者用防風一味為丸以兼症之藥煎送或肝經火動而血不寧者用條芩炒為丸以兼症之藥煎送無有不効

一婦人性急每怒非太陽耳項喉齒胸乳作痛則胸滿吞酸吐瀉少食經行不止此皆肝火之症肝火之症則外症見土受尅則內症作若自病見用四物加白朮茯苓柴胡炒梔炒龍胆若內症作用四君加柴胡芍藥神麴吳茱炒過黃連諸症漸愈惟月經不止是血分有熱脾氣尚虛以逍遙散倍用白朮茯苓陳皮又以補中益氣加酒炒芍藥兼服而調

乾內錢氏年五十歲辛丑患崩諸藥罔效壬寅八月身熱肢痛頭暈涕出吐痰少食衆作火治轉熾絕數日淹淹伏枕僅存呼吸兄方浙歸診之謂脾胃虛寒用八味丸料一劑便急煎服然胃虛久始下明翌早遂索粥數匙再劑食倍熱減痛止兼服八味丸良愈矣卯秋因勞役憂怒甲辰春夏崩復作六月二十日胸飽發熱脊痛腰不可轉神氣怫鬱或作內傷或作中暑崩水沸騰兼以便血煩渴引飲粒米不進至七月十三日晝夜暈憤時作時止計無所出仍屈兄診之脉洪無倫按之微弱此無根之火內真寒而外假熱也以十全大補加附子一劑暈止食粥三四匙崩血漸減日服八味丸始得全愈乾山妻兩構危疾命懸須臾荷兄遠救誠解倒懸之急處方神良知無出此野人懷恩姑俟後日王環之報云爾嘉靖甲辰季秋表弟方乾頓首拜書

大化內患月事不期崩血昏憤發熱不寐或謂血熱妄行投以寒劑益甚或謂胎成受傷投以止血亦不効乃敬延先生診之曰此脾氣虛弱無以統攝故耳法當補脾而血自止矣用補中益氣加炮薑不數劑而驗惟終夜少睡驚悸另服八物湯更不効叩諸先生曰雜矣乃與歸脾湯加炮薑以補心脾遂如初謹叙其梗槩以附醫按俾後之患者得有所取法云嘉靖甲辰孟冬晚生歸大化頓首拜書

經閉不行

夫經水陰血也。屬衝任二脉。主上為乳汁。下為月水。其為患有因脾虛而不能生血者。有因肝傷而血耗損者。有因胃火而血消燦者。有因脾胃損而血少者。有因勞傷心而血少者。有因怒傷肝而血少者。有因腎水不能生肝而血少者。有因肺氣虛不能行血而閉者。治療之法。若脾虛而不行者。調而補之。脾虛而不行者。解而補之。胃火而不行者。清而補之。脾胃損而不行者。調而補之。勞傷心血而不行者。靜而補之。怒傷肝而不行者。和而補之。肺氣虛而不行者。補脾胃。腎虛而不行者。補脾肺。經云。損其肺者益其氣。損其心者調其榮衛。損其脾者調其飲食。適其寒溫。損其肝者緩其中。損其腎者益其精。審而治之。庶無誤矣。

治驗

一婦人停食。飽悶發熱。或用人參養胃湯益甚。再用木香檳榔丸泄瀉吐痰。腹中成塊。飲食少思。又用三陳黃連厚朴之類。前症益甚。腹脹不食。月經不至。余以為中氣虧損。用補中益氣。加茯苓半夏三十餘劑。脾胃健而諸症愈。又二十餘劑。而經自行。前症若脾虛不能消化。飲食者。宜用六君子湯補而消之。虛寒者。加砂仁木香炮薑溫而補之。其食積成形者。以前藥煎送保和丸。大抵食積痞塊症。為有形。所謂邪氣勝則實。真氣奪則虛。惟當養正開邪。而積自除矣。雖然。堅者削之。客者除之。胃氣未虛。或可少用。若病久虛乏者。則不宜用。

一婦人飲食後。或腹脹。或吞酸。服枳朮丸吞酸益甚。飲食日少。胞膈痞滿。腿內酸痛。畏見風寒。又服養胃湯。一劑腿內作痛。又二劑腿浮腫。月經不行。余以為鬱結所傷。脾虛濕熱。下注侵晨。用四君子歸二陳。午後以前湯送越鞠丸。飲食漸進。諸症漸愈。又用歸脾八珍二湯兼服。兩月餘而經行。

一婦人性沉多慮。月經不行。胸滿少食。或作脹。或吞酸。余以為中氣虛寒。用補中益氣。加砂仁香附煨薑。二劑胸膈和而飲食進。更以六君子加芍歸貝母桔梗生薑大棗。數劑脾胃健而經自調矣。

一婦人素有胃火。服清胃散而安。後因勞役躁渴。內熱肌肉消瘦。月經不行。此胃火消燦陰血。用逍遙散。

加丹皮炒梔以清胃熱用八珍湯加茯苓遠志以養脾血而經自行矣

一婦人久患瘧形體怯弱內熱晡熱自汗盜汗飲食少思月事不行服通經丸虛症悉具此因虛而致瘧疾因瘧而致經閉用補中益氣及六味地黃丸各百餘劑瘧愈經自行

一婦人久患瘧瘧作則經不行形虛脉大頭痛懶食大便泄瀉小便淋漓口乾唇裂內熱腹脹皆元氣下

陷相火合病用補中益氣湯治之尋愈惟不時頭痛仍加蔓荊子而痛止又兼用六味地黃丸而經行

一婦人因勞耳鳴頭痛體倦此元氣不足用補中益氣加麥門五味而痊三年後得子因飲食勞倦前症

益甚月經不行晡熱內熱自汗盜汗用六味地黃丸補中益氣湯頓愈前症若因血虛有火用四物加山

梔柴胡不應八珍加前藥若氣虛弱用四君子若怒耳便聾或鳴者實也小柴胡加芍歸山梔虛用補中

益氣加山梔若午前甚作火治用小柴胡加炒連炒梔氣虛用補中益氣午後甚作血虛用四物加白朮

茯苓若陰虛火動或兼痰甚作渴必用地黃丸以壯水之主經云頭痛耳鳴九竅不利腸胃之所生也脾

胃一虛耳目九竅皆為之病

一婦人胃氣素弱為哭母吐血咳嗽發熱盜汗經水三月不行余以為悲則傷肺思則傷脾遂朝服補中益氣加桔梗貝母知母夕用歸脾湯送地黃丸而愈

帶下

或因六淫七情或因醉飽房勞或因膏粱厚味或服燥劑所致脾胃虧損陽氣下陷或濕痰下注蘊積而成故言帶也凡此皆當壯脾胃升陽氣為主佐以各經見症之藥若屬肝則青小柴胡加山梔或濕熱壅滯小便赤澀龍胆瀉肝湯屬心則赤小柴胡加黃連山梔當歸屬肺則白補中益氣加山梔屬脾則黃六君子加山梔柴胡不應歸脾湯屬腎則黑六味地黃丸若氣血俱虛八珍湯陽氣下陷補中益氣湯濕痰下注前湯加茯苓半夏蒼朮黃柏氣虛痰飲下注四七湯送腎氣丸

治驗

一婦人年踰六十。內熱口乾。勞則頭暈。吐痰帶下。或用化痰行氣前症益甚。飲食愈少。肢體或麻。恪服祛風化痰。肢體常麻。手足或冷或熱。日漸消瘦。余曰。症屬脾氣虛弱。而不能生肺。祛風之劑。復損諸經。當滋化源。遂用補中益氣。加茯苓半夏炮薑。二十餘劑。脾氣漸復。飲食漸加。諸症頓愈。

一婦人腹脹脇痛。內熱。晡熱。月經不調。肢體痠麻。不時吐痰。或用清氣化痰。喉間不利。帶下。青黃腹脹。脹用行氣之劑。胸膈不利。肢體時麻。此鬱怒傷損肝脾。前藥益甚也。朝用歸脾湯。以解脾鬱。至脾氣復。加味道遙散。以生肝血。清肝火。兼服百餘劑。而諸症愈。

一婦人瘡久。兼之帶下。發後口乾。倦甚。余用七味白朮散。加麥門五味。作大劑煎。與之飲。再發。稍可。乃用補中益氣。加茯苓半夏。十餘劑。而愈。凡截瘡。余常以參朮各一兩。生薑四兩。煨熟煎服。即止。或以大劑補中益氣。加煨薑。其功尤捷。

一婦人頭暈。唾痰。胸滿。氣喘。得食稍緩。苦於白帶。二十餘年矣。諸藥不應。余曰。此氣虛而痰飲也。飲愈而帶始愈。遂用六味地黃丸。不月而驗。

一婦人耳鳴。胸痞。內熱。口乾。咳中若有一核。吞吐不利。月經不調。兼之帶下。余以為肝脾鬱結。用歸脾湯。加半夏山梔。升麻柴胡。間以四七湯。下白丸子。而愈。

一婦人吞酸。胸滿。食少。便泄。月經不調。法服製清氣化痰丸。兩膝漸腫。寒熱往來。帶下黃白。面黃體倦。余以為脾胃虛濕。熱下注。用補中益氣。倍用參朮。加茯苓半夏炮薑。而愈。若因怒發熱。少食。或兩腿赤腫。或指縫常濕。用六君加柴胡升麻。及補中益氣。

一婦人帶下。四肢無力。勞則倦怠。余曰。四肢者土也。此屬脾胃虛弱。濕痰下注。遂以補中益氣。濟生歸脾二藥。治之而愈。

一婦人年踰六十。帶下黃白。因怒胸膈不利。飲食少。思服消導利氣之藥。反痰喘胸滿。大便下血。余曰。此脾氣虧損。不能攝血歸源也。用補中益氣。加茯苓半夏炮薑。四劑。諸症頓愈。又用八珍。加柴胡炒梔。而安。

血分水分

二症或因飲食起居失養。或因六淫七情失宜。以致脾胃虧損。不能生發統攝。氣血乖違。行失常道。各先因經水斷絕。後至四肢浮腫。小便不通。血化為水。名曰血分。宜用椒仁丸治之。若先小便不利。後至身面浮腫。經水不通。水化為血。名曰水分。宜用葶藶丸治之。此屬形氣不足。邪淫隧道。必用此藥。以宣導其邪。而佐以輔補元氣。庶使藥力有所仗而行。則邪自不能容。而真氣亦不至於復傷矣。

治驗

一婦人月經不調。胸熱內熱。飲食少思。肌體消瘦。小便頻數。服濟陰丸。月經不行。四肢浮腫。小便不通。余曰。此血分也。朝用椒仁丸。夕用歸脾湯。漸愈。乃以人參丸代椒仁丸。兩月餘將愈。專用歸脾湯。至十餘劑而痊。

一歷婦月經不調。小便短少。或用清熱分利之劑。小便不利。三月餘。身面浮腫。月經不通。余曰。此水分也。遂朝用葶藶丸。夕用歸脾湯。漸愈。乃用人參丸間服。而愈。已上二症。作脾虛水氣。用分利等藥。而致者多矣。惜哉。

小便出血

婦人小便尿血。或因膏粱炙煇。或因醉飽入房。或因飲食勞役。或因六淫七情。以致元氣虧損。不能統攝。歸源若因怒動肝火者。用加味逍遙散。調送髮灰。肝經風熱者。送子芩丸。久而血虛者。用八珍送髮灰。若膏粱積熱者。用清胃散。加槐花甘草。房勞所傷者。用六君。加柴胡升麻。風熱所傷者。用四君。加防風枳殼。凡久而虧損元氣者。用補中益氣為主。鬱結傷脾者。用濟生歸脾為主。

治驗

一婦人尿血。因怒氣寒熱。或頭痛。或脇脹。用加味逍遙。諸症稍愈。惟頭痛。此陽氣虛。用補中益氣。加蔓荊子。而痊。後鬱怒。小腹內疝痛。次日尿血熱甚。乃用前散。加龍胆草。并歸脾湯。將愈。因飲食所傷。血乃作。嚴

夜不寐心中不寧此脾血尚虛用前湯而痊

一婦人尿血久用寒涼止血藥面色痿黃肢體倦怠飲食不甘晡熱作渴三年矣此前藥復傷脾胃氣下陷而不能攝血也蓋病久鬱結傷脾用補中益氣以補元氣用歸脾湯以解脾鬱使血歸經更用加味逍遙以調養肝血不月諸症漸愈三月而痊

熱入血室

婦人傷寒或勞役或怒氣發熱適遇經行以致熱入血室或血不行或血不止令人晝則明夜則暗譫語如見鬼狀用小柴胡加生地黃血虛者用四物加生地柴胡切不可犯胃氣若病既愈而血未止或熱未已元氣素弱用補中益氣脾氣素鬱用濟生歸脾血氣素弱用十全大補庶無誤矣

治驗

一婦人經行感冒風寒日間安靜至夜譫語用小柴胡加生地治之頓安但內熱頭暈用補中益氣加蔓荊子而愈後因怒惱寒熱譫語胸脇脹痛小便頻數月經先期此是肝火血熱妄行用加味逍遙加生地而愈

一婦人因怒寒熱頭痛譫言妄語日晡至夜益甚而經暴至蓋肝藏血此怒動火而血妄行用加味逍遙散加生地治之神思頓清但食少體倦月經未已蓋脾統血此脾氣虛不能攝用補中益氣治之月經漸止一婦人懷抱素鬱感冒經行譫語服發散之劑不應用寒涼降火前症益甚更加月經不止肚腹作痛嘔吐不食痰涎自出此脾胃虛寒用香砂六君脾胃漸健諸症漸退又用歸脾湯而全愈

師尼寡婦寒熱

宋諸氏療師尼寡婦別製方藥謂獨陰無陽致血氣交爭乍寒乍熱如瘧或腰背作痛而寒熱其肝脉弦出寸口是其症也若室女出嫁愆期而寒熱亦然蓋男子精盛則恩室女子血盛以懷胎此天地自然之理也治以小柴胡加生地久而血虛佐以四物若兼怒動肝火而寒熱者佐以加味逍遙散若兼虧損肝



經而寒熱者佐以八珍湯若兼虧損元氣而寒熱者佐以補中益氣湯若兼鬱傷脾氣而寒熱者佐以濟生歸脾湯此症多兼經候不調當詳孰為緩急而治之

治驗

一寡婦因怒致不時寒熱久而不已肝脉弦緊用小柴胡加生地治之而愈但見風寒熱乃作此是脾胃氣虛用加味歸脾補中益氣二湯兼服而止

一婦人因夫經商久不歸發寒熱月經旬日方止服降火涼血反潮熱內熱自汗盜汗月經頻餘日熱汗氣血虛也經頻肝脾虛也用歸脾湯六味九而愈當治兼症既愈而寒熱當仍用本症藥

一室女寒熱左手脉弦長而出寸口用小柴胡加生地烏梅治之而愈既嫁而諸症悉痊

一室女久患寒熱月經不調先以小柴胡加生地治之少愈更以生地黃九而痊

一放出宮女年踰三十兩膀作痛肉色不變大小便中作痛如淋登廁尤痛此瘀血漬入隧道為患乃男女失合之症也難治後滑不飲又患瘰癧而發此婦為吾鄉湯氏妾湯為商常在外可見此婦在內久懷憂鬱反出外又不能如願是以致生此疾愈見瘰癧流注乃七情氣血損傷不可用攻伐既然矣按精血篇云女人天癸既至踰十年無男子合則不調未踰十年思男子合亦不調不調則舊血不出新血誤行或漬而入骨或變而為腫或雖合而難子合多則濕枯虛人產乳眾則血枯殺人觀其精血思過半矣一室女年十七瘰久不愈天癸未通發熱咳嗽飲食少思或欲用通經九余曰此症潮熱經候不調者不治所喜脉不濇且不潮熱尚可治但養氣血益津液其經自行感於速効仍用之余曰非其治也此乃慄悍之劑大助陽火陰血得之則妄行脾胃得之則愈虛經果通而不止飲食愈少更加潮熱速致不救

歷節痛風即白虎歷節風

歷節痛或因飲食起居失節或因七情六淫失宜以致脾胃虧損腰膝理不密外邪所侵或為肝火內動肝血耗損或為肢體疼痛或為肢節難伸或為卒然掣痛或為走痛無常或內熱晡熱自汗盜汗或經候不

調飲食不甘其治法屬風邪者小續命湯走注疼痛者漏蘆龍骨節疼痛者四生丸濕熱痛者清燥湯兼
痰佐以二陳肝火者加味逍遙散加羌活川芎脾鬱者加味歸脾加羌活川芎血虛者四物加羌活川芎
氣虛者四君加羌活川芎氣血俱虛者八珍加羌活川芎月經先期而痛者加味逍遙散為主月經過期
而痛者補中益氣為主大抵痛而不敢按者屬病氣元氣俱實也手按而痛緩者病氣元氣俱虛也若
沒而作痛者元氣虛也飲食失宜而作痛者脾胃虛也怒惱而作痛者肝火也經行而作痛血虛也凡此
皆固元氣為主而佐以治病之藥

治驗

一婦人自汗盜汗發熱潮熱體倦少食月經不調吐痰甚多二年矣遍身作痛天陰風雨益甚用小續命
湯而痛止用補中益氣加味歸脾二湯三十餘劑而愈自汗等症皆鬱結傷損脾氣不能輸養諸臟所致
故用前二湯專主脾胃若用寒涼降火理氣化痰復傷生氣多致不起

一婦人因怒月經去多發熱作渴左目緊小頭項動掉四肢抽搐遍身痠痛此怒動肝火肝血虛而內生
風用加味逍遙加釣藤數劑諸症漸愈又用八珍湯調理而痊

一婦人月經先期素有痛症每勞必作用衆手重按痛稍止此氣血虛而有火用十全大補加獨活治之
而痛痊用六味九逍遙散而經調

一婦人歷節作痛發熱作渴飲食少慾月經過期諸藥不應脉洪大按之微細用附子八物四劑而痛止
用加味逍遙而元氣復六味九而月經調

一婦人體肥胖素內熱月經先期患痛風下身微腫痛甚小便頻數身重脉緩症屬風濕而血虛有熱先
用羌活勝濕湯四劑腫痛漸愈用清燥湯數劑小便漸清用加味逍遙十餘劑內熱漸愈為飲食停滯發
熱仍痛面目浮腫用六君加柴胡升麻而愈又因怒氣小腹痞悶寒熱嘔吐此木侮脾土用前藥加山梔
木香而安惟小腹下墜似欲去後此脾氣下陷用補中益氣而愈後因勞役怒氣作嘔吐痰遍身腫痛月